

**Հաստատված է
Հայաստանի Հանրապետության
Էներգետիկայի հանձնաժողովի**

« 31 » օգոստոսի 1998 թ.
№ 41 որոշմամբ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷՆԵՐԳԵՏԻԿԱՅԻ ՀԱՆՁՆԱԺՈՂՈՎ**

**Հաստատված է
Հայաստանի Հանրապետության
Էներգետիկայի հանձնաժողովի**

« _____ » _____ թ.
№ _____ որոշմամբ

Հանձնաժողովի նախագահ՝

(ստորագրություն, անուն, ազգանուն)

Կ.Տ.

**Հայաստանի Հանրապետությունում էլեկտրական էներգիայի
(իզոլյուցիայի) բաշխման գործունեության**

Լ Ի Ց Ե Ն Ձ Ի Ա

№ _____ էջից

ԵՐԵՎԱՆ - _____ թ.

1. Սահմանումներ

Սույն լիցենզիայում օգտագործված որոշ հասկացություններ սահմանվում են հետևյալ կերպ.

Հանձնաժողով - ՀՀ էներգետիկայի հանձնաժողով՝ էներգետիկայի բնագավառում կարգավորող մարմին, որը գործում է «էներգետիկայի մասին» Հայաստանի Հանրապետության օրենքով Հայաստանի Հանրապետության կառավարության կողմից իրեն պատվիրակված լիազորությունների հիման վրա:

Լիցենզիա - Հանձնաժողովի կողմից իրավաբանական անձին տրված փաստաթուղթ, որը հավաստում է էներգետիկայի բնագավառում սահմանված պայմաններով որոշակի գործունեություն իրականացնելու իրավունք:

Լիցենզավորված անձ - էներգետիկայի բնագավառում սույն Լիցենզիայով էլեկտրական էներգիայի (հզորության) բաշխման գործունեություն իրականացնելու իրավունք ստացած իրավաբանական անձ:

Ազգային էլեկտրական ցանց - սահմանված է «էներգետիկայի մասին» Հայաստանի Հանրապետության օրենքով:

Կենտրոնական կարգավարական ծառայություն «ԿԿԾ» - Ազգային էլեկտրական ցանցի կարգավարման և օպերատիվ կառավարման կազմակերպական և տեխնիկական համակարգ:

Ներկրող - իրավաբանական անձ, որին Հանձնաժողովի կողմից տրվել է Հայաստանի Հանրապետություն էլեկտրական էներգիա (հզորություն) ներկրելու Լիցենզիա:

Ապառող - Լիցենզավորված անձի կամ հաղորդողի, կամ բաշխողի հետ էլեկտրաէներգիայի «հզորության» մատակարարման «առք ու վաճառքի» պայմանագիր կնքած իրավաբանական կամ ֆիզիկական անձ, որն ունի միացում համապատասխան էլեկտրական ցանցին և էլեկտրասպառման տեղակայանքներ:

Հաղորդող - էլեկտրաէներգիայի (հզորության) հաղորդման Լիցենզիա ստացած իրավաբանական անձ:

Բաշխող - էլեկտրաէներգիայի (հզորության) բաշխման Լիցենզիա ստացած իրավաբանական անձ:

Արտադրող - էլեկտրաէներգիայի (հզորության) արտադրության Լիցենզիա ստացած իրավաբանական անձ:

Արտահանող - Հայաստանի Հանրապետությունից էլեկտրաէներգիայի (հզորության) արտահանման Լիցենզիա ստացած իրավաբանական անձ:

Ուժի մեջ մտնելու ամսաթիվ - Հանձնաժողովի կողմից Լիցենզիայի գրանցման ամսաթիվ:

Ֆորս մաժոր - Արտակարգ և անկանխելի դեպքերի և հանգամանքների (տարերային աղետներ, ռազմական գործողություններ, էներգապաշարների (վառելիք, ջուր) մատակարարման համակարգերի, Ազգային էլեկտրական ցանցի վթարներ, Հայաստանի Հանրապետության օրենսդրությամբ սահմանված սահմանափակումներ), տվյալ պայմաններում Լիցենզավորված անձից անկախ առաջացած անհաղթահարելի ուժի հետևանքներ, որոնք, մասամբ կամ ամբողջությամբ, անհնար են դարձնում լիցենզավորված գործունեության իրականացումը:

2. Լիցենզիայի գործողության ժամկետը

- 2.1. Սույն Լիցենզիան ուժի մեջ է մտնում Հանձնաժողովում գրանցման պահից:
- 2.2. Սույն Լիցենզիան տրվում է անժամկետ:

3. Լիցենզավորված գործունեություն իրականացնելու տարածքը

- 3.1. Սույն Լիցենզիայով Լիցենզավորված անձին իրավունք է տրվում լիցենզավորված գործունեություն իրականացնել N 2-1 հավելվածում սահմանված տարածքում:

4. Լիցենզավորված գործունեություն իրականացնելու էներգատեղակայանքներ

- 4.1. Սույն Լիցենզիայով Լիցենզավորված անձը լիցենզավորված գործունեությունը իրականացնում է N 2-2 հավելվածում նշված էներգատեղակայանքներով:

5. Լիցենզավորված գործունեության բովանդակությունը

- 5.1. Սույն Լիցենզիայով Լիցենզավորված անձին Լիցենզիան ուժի մեջ մտնելու պահից 3.1 կետով սահմանված տարածքում տրվում է՝

ա/ Սպառողներին էլեկտրական էներգիա (հզորություն) բաշխելու ձեռնարկատիրական գործունեություն իրականացնելու իրավունք.

բ/ էլեկտրական էներգիան (հզորությունը) Հաղորդողից, Արտադրողից և Ներկրողից գնելու և վաճառելու ձեռնարկատիրական գործունեություն իրականացնելու իրավունք:

- 5.2. Լիցենզավորված անձը իրավունք չունի լիցենզավորված գործունեության էությունը կազմող կարգավարման, օպերատիվ ղեկավարման և շահագործման գործառույթները պայմանագրով կամ այլ կարգով փոխանցել (օտարել) այլ անձի:

6. Լիցենզավորված գործունեության պայմանները

- 6.1. Լիցենզավորված անձին 3.1 կետով սահմանված տարածքում ոչ պակաս, քան տասնհինգ տարի ժամկետով բացառիկ իրավունք է տրվում իրականացնելու 5.1 կետի ա) ենթակետում նշված գործունեությունը:
- 6.2. Սույն Լիցենզիայով Լիցենզավորված անձին վերապահված իրավունքները պաշտպանելու նպատակով Հանձնաժողովը պարտավորվում է 6.1 կետով սահմանված ժամանակահատվածում չթույլատրել Լիցենզավորված անձի գործունեության տարածքում բացառիկ իրավունքի առարկա հանդիսացող գործունեության իրականացում մեկ այլ անձի կողմից:
- 6.3. Լիցենզավորված անձի գործունեությունը պետք է համապատասխանի սույն Լիցենզիայի, Հանձնաժողովի կողմից սահմանված նորմատիվ ակտերի և Հայաստանի Հանրապետության օրենսդրության պահանջներին:
- 6.4. Լիցենզավորված անձը Լիցենզավորված գործունեությունը պետք է իրականացնի տնտեսական արդյունավետության սկզբունքներին, Հայաստանի Հանրապետությունում

գործող ստանդարտներին, անվտանգության տեխնիկայի նորմերին և հուսալիության ցուցանիշներին համապատասխան:

- 6.5. Լիցենզավորված անձը պարտավոր է Հայաստանի Հանրապետության օրենսդրությամբ սահմանված կարգով ապահովել իր տարածքում նոր Սպառողների էլեկտրամատակարարումը:
- 6.6. Լիցենզավորված անձը տեխնիկական հնարավորությունների առկայության դեպքում պարտավոր է Հանձնաժողովի կողմից սահմանված սակագներով Բաշխման ցանցով առաքել Հաղորդողի, Արտադրողի, Ներկրողի կամ Սպառողի սեփականությունը հանդիսացող էլեկտրական էներգիան:
- 6.7. Լիցենզավորված անձն իր գործունեությունն իրականացնելիս՝ պարտավոր է ապահովել մարդկանց կյանքի և առողջության անվտանգությունը, ինչպես նաև գույքի պահպանությունը՝ Հայաստանի Հանրապետության օրենսդրությամբ համապատասխան:
- 6.8. Լիցենզավորված անձն առանց Հանձնաժողովի թույլտվության չի կարող դառնալ էներգետիկայի բնագավառի գործունեության Լիցենզիա ունեցող մեկ այլ անձի բաժնետեր, փայատեր կամ միավորվել գործունեության Լիցենզիա ունեցող մեկ այլ անձի հետ:
- 6.9. Լիցենզավորված անձի կանոնադրական հիմնադրամում 35 տոկոսից ավելի մասնակցություն ունեցող բաժնետեր կամ փայատեր իրավունք չունի առանց Հանձնաժողովի թույլտվության ձեռք բերել էներգետիկայի բնագավառի գործունեության Լիցենզիա ունեցող մեկ այլ անձի բաժնետոմս, բաժնեմաս կամ ունենալ փայամասնակցություն:
- 6.10. Լիցենզավորված անձը պարտավոր է ապահովել առևտրային հաշվառքի բոլոր սարքերի պետական ստուգաչափումը:
- 6.11. Լիցենզավորված անձի և այլ անձանց միջև կնքվող էլեկտրամատակարարման (առք ու վաճառքի) պայմանագրերը պետք է համապատասխանեն Հանձնաժողովի կողմից սահմանված պայմանագրերի օրինակելի ձևերին:
- 6.12. Լիցենզավորված անձի և էներգետիկայի բնագավառում լիցենզավորված գործունեություն իրականացնող այլ անձանց միջև կնքվող էլեկտրամատակարարման (առք ու վաճառքի) պայմանագրերը ենթակա են գրանցման Հանձնաժողովում:
- 6.13. Լիցենզավորված անձը Հանձնաժողովի կողմից սահմանված կարգին և ձևերին համապատասխան, Հանձնաժողով է ներկայացնում տեղեկատվություն և հաշվետվություններ՝
 - բանկերում ունեցած հաշիվների մասին,
 - տեխնիկական հսկողության և վերահսկողության մարմինների կողմից կատարված ստուգումների մասին և ստուգումների արդյունքները,
 - անցած ժամանակաշրջանի գործունեության մասին,
 - հաջորդ հաշվարկային ժամանակաշրջանի տեխնիկա - տնտեսական ցուցանիշների կանխատեսումների մասին,

- երկարաժամկետ և կարճաժամկետ վարկային ծրագրերի մասին,
 - տեխնիկական վերակառուցման, վերականգնման և արդիականացման երկարաժամկետ և կարճաժամկետ ծրագրերի և դրանց իրականացման ֆինանսական ներդրումների մասին:
 - Ներկայացված ֆինանսատնտեսական ծրագրերը պետք է հիմնավորված լինեն համապատասխան հաշվարկներով — ենթակա են համաձայնեցման Հանձնաժողովի հետ:
- 6.14. Լիցենզավորված գործունեության հաշվապահական հաշվառումը — հաշվետվությունը պետք է համապատասխանեն Հայաստանի Հանրապետության օրենսդրությամբ սահմանված հաշվապահական հաշվառման պահանջներին:
- 6.15. Լիցենզավորված գործունեության հաշվապահական հաշվառումը և հաշվետվությունը պետք է առանձնացված լինեն Լիցենզավորված անձի կողմից իրականացվող գործունեության այլ տեսակների հաշվապահական հաշվառումից և հաշվետվությունից:
- 6.16. Լիցենզավորված անձը պարտավոր է յուրաքանչյուր տարի՝ մինչև ապրիլի 30-ը հանրապետական մամուլում հրապարակել նախորդ տարվա իր գործունեության ֆինանսատնտեսական հաշվետվությունը՝ համաձայն Հանձնաժողովի կողմից սահմանված ձևերի: Հրապարակված հաշվետվությունները չպետք է պարունակեն պետական և ծառայողական գաղտնիքներ:
- 6.17. Լիցենզավորված անձը պարտավոր է Հանձնաժողովի պահանջով իրականացնել իր ֆինանսատնտեսական գործունեության անկախ աուդիտ:
- 6.18. Լիցենզավորված անձը, Հայաստանի Հանրապետության օրենսդրությամբ սահմանված կարգով, պատասխանատվություն է կրում Հանձնաժողով ներկայացրած լիցենզավորված գործունեության հաշվետվության — այլ տեղեկատվության հավաստիության համար:
- 6.19. Էլեկտրաէներգիայի (հզորության) առավելագույն սակագները սահմանում է Հանձնաժողովը: Լիցենզավորված անձը կարող է կիրառել Հանձնաժողովի կողմից սահմանված սակագներից ցածր սակագներ, «Էներգետիկայի մասին» Հայաստանի Հանրապետության օրենքին համապատասխան:
Հանձնաժողովի կողմից սահմանված սակագներից ցածր սակագներ կիրառելու հետևանքով Լիցենզավորված անձի հնարավոր վնասները հաշվի չեն առնվում սակագների վերանայման դեպքում:
- 6.20. Հանձնաժողովի հետ ենթակա են համաձայնեցման Սպառողներին մատուցվող այն ծառայությունների սակագները, որոնք սահմանված կարգով կարող են մատուցվել միայն Լիցենզավորված անձի կողմից:
- 6.21. Լիցենզիայի գործողության ընթացքում Լիցենզավորված անձն իր նախաձեռնությամբ, Հանձնաժողովի կողմից սահմանված կարգին և ձևերին համապատասխան, կարող է հայտ ներկայացնել գործող սակագների վերանայման վերաբերյալ:
- 6.22. Հանձնաժողովն իր նախաձեռնությամբ և իր կողմից սահմանված ընթացակարգով կարող է վերանայել գործող սակագները:
- 6.23. Լիցենզավորված անձը լիցենզավորված գործունեության հետ կապված ծախսերն իրականացնում է ըստ սակագնի մեջ ընդգրկված ծախսերի համապատասխան հոդվածների (ուղղությունների), ապահովելով շահագործման հուսալիությունն ու

անվտանգությունը: Ծախսերի կառուցվածքի փոփոխության անհրաժեշտության դեպքում Լիցենզավորված անձը համապատասխան հիմնավորումներով նախապես դիմում է Հանձնաժողով՝ համաձայնեցման համար:

- 6.24. Հանձնաժողովը սակագների մեջ հաշվի է առնում միայն այն ծախսերը, որոնք հիմնավորված և անհրաժեշտ են լիցենզավորված գործունեությունն իրականացնելու համար:
- 6.25. Լիցենզավորված անձը պարտավոր է կատարել Ազգային էլեկտրական ցանցի կենտրոնական կարգավարական ծառայության օպերատիվ հրահանգները և կարգադրությունները՝ ըստ գործող կարգի և նրա հետ կնքված պայմանագրի դրույթների:
- 6.26. Լիցենզավորված անձը պարտավոր է Հանձնաժողովին և Ազգային էլեկտրական ցանցի կենտրոնական կարգավարական ծառայությանը անհապաղ հայտնել իր կողմից էլեկտրական էներգիայի (հզորության) ընդունման/բաշխման սահմանափակման հանգեցրած (հանգեցնող) չկանխատեսված հանգամանքների մասին:
- 6.27. Լիցենզավորված անձը պարտավոր է անմիջապես հայտնել Հանձնաժողովին այն հանգամանքների մասին, որոնք հանգեցրել են կամ կարող են հանգեցնել սույն Լիցենզիայի պայմանների խախտումների:
- 6.28. Լիցենզավորված անձը պարտավոր է Հանձնաժողովի կողմից սահմանված կարգով, էլեկտրամատակարարման (առք ու վաճառքի) պայմանագրերին և ՀՀ օրենսդրությանը համապատասխան, էլեկտրամատակարարման դադարեցման կամ սահմանափակման դեպքում համապատասխան ծառայությունների միջոցով տեղեկացնել Սպառողներին:

7. Լիցենզավորված գործունեության վերահսկում

- 7.1. Սույն լիցենզիայի պայմանների պահպանման վերահսկումը Հանձնաժողովն իրականացնում է իր կողմից սահմանված կարգով:
- 7.2. Լիցենզիայի պայմանների պահպանման վերահսկումն ապահովելու նպատակով Հանձնաժողովը և նրա կողմից լիազորված ներկայացուցիչները ունեն ազատ մուտքի իրավունք Լիցենզավորված անձի տարածք:
Լիցենզավորված անձը վերահսկման իրականացման ընթացքում պետք է լիովին համագործակցի և աջակցի Հանձնաժողովին կամ նրա կողմից լիազորված ներկայացուցչին:
- 7.3. Հանձնաժողովի կողմից լիազորված ներկայացուցիչները Լիցենզավորված անձի տարածքում պահպանում են ընկերության ներքին կանոնակարգը, անվտանգության և հակահրդեհային կանոնները, ինչպես նաև ՀՀ օրենսդրությամբ սահմանված նորմերը:

8. Տուգանքներ, կասեցում և զրկում

- 8.1. Լիցենզիայի պայմանների պահպանման և վերահսկումն իրականացնում է ՀՀ էներգետիկայի հանձնաժողովը՝ համագործակցելով պետական այլ իրավասու մարմինների հետ:

- 8.2. Լիցենզիայի պայմանները չկատարելու, ոչ պատշաճ կատարելու կամ խախտելու դեպքում, ղեկավարվելով Հայաստանի Հանրապետության «Էներգետիկայի մասին» օրենքի 27-րդ հոդվածով, Հանձնաժողովը իրավասու է կիրառել հետևյալ տույժերը.
- ա) նախազգուշացում և խախտումները վերացնելու հանձնարարականներ,
 - բ) Լիցենզիայի կասեցում,
 - գ) Լիցենզիայից զրկում:
- Նշված տույժերի կիրառման և կարգը սահմանում է Հանձնաժողովը: Օրենսդրությամբ սահմանված կարգով Հանձնաժողովը կարող է տուգանել Լիցենզիա ունեցող անձանց:
- 8.3. Լիցենզավորված անձին Լիցենզիայից զրկելու դեպքում Հանձնաժողովը և Լիցենզավորված անձը ղեկավարվում են «Էներգետիկայի մասին» ՀՀ օրենքի 37 հոդվածով և ՀՀ օրենսդրությամբ:
- 8.4. Լիցենզիայի գործողությունը կարող է դադարեցվել Լիցենզավորված անձի նախաձեռնությամբ՝ նրա գրավոր դիմումի հիման վրա: Մինչև Լիցենզիայի կասեցման կամ զրկման մասին Հանձնաժողովի կողմից համապատասխան որոշում կայացնելը, Լիցենզավորված անձը պարտավոր է շարունակել իրականացնել գործունեությունը՝ համաձայն Լիցենզիայի պայմանների:
- 8.5. Լիցենզավորված անձը չի ենթարկվում պատասխանատվության՝ սույն Կարգի 8.2 կետով սահմանված կարգով, եթե նրա գործունեության մեջ արձանագրված խախտումները ֆորս մաժորային հանգամանքների հետևանք են:

9. Լիցենզիայի դրույթների և պայմանների փոփոխություն

- 9.1. Լիցենզիայում փոփոխություններ կարող են կատարվել օրենքով սահմանված կարգով, Լիցենզավորված անձի կամ Հանձնաժողովի նախաձեռնությամբ:
- 9.2. Լիցենզավորված անձի իրավական-կազմակերպական ցանկացած փոփոխության դեպքում Լիցենզավորված անձը պարտավոր է Լիցենզիայի վերագրանցման կամ նրանում փոփոխություններ և լրացումներ կատարելու կամ նոր Լիցենզիա ստանալու հայտով անհապաղ դիմել Հանձնաժողով:
- 9.3. Լիցենզավորված անձը 5-օրյա ժամկետում ծանուցագրով տեղեկացնում է Հանձնաժողովին իր իրավաբանական հասցեում, հիմնադիր փաստաթղթերում և բանկային հաշվեհամարներում տեղի ունեցած փոփոխությունների մասին:

10. Այլ պայմաններ

11. Ծանուցում

- 11.1. Լիցենզիայի վերաբերյալ պաշտոնական բոլոր ծանուցումները, հայտերը, պահանջները կամ այլ հաղորդագրությունները պետք է լինեն գրավոր և ուղարկվեն սուրհանդակի միջոցով կամ պատվիրված նամակով: Ցանկացած ծանուցում կամ հաղորդագրություն ուժի մեջ կհամարվի ստացման պահից կամ, եթե այն չի ստացվել հասցեատիրոջ մեղքով՝ ներկայացման պահից:

Լիցենզավորված անձի փոստային

կարգաթիվը

Հասցեն

Անվանումը

Բանկային

հաշվեհամարները

Տնօրենի

(նախագահի)

անունը,

ազգանունը:

Ի վկայություն սույնի, Հայաստանի Հանրապետության էներգետիկայի հանձնաժողովը սույն Լիցենզիան «_____» _____ թ. տրամադրել է

(ընկերության անվանումը)

(իրավաբանական հասցեն)

Գրանցման ամսաթիվը

«_____» _____ թ.

Գրանցման համարը

№ _____

Պատասխանատու անձի ստորագրությունը, անունը, ազգանունը

Հավելված N2-1
 ՀՀ էներգետիկայի հանձնաժողովի
 1998թ.օգոստոսի 31-ի
 N41 որոշման N2 հավելվածի

Էներգետիկայի բնագավառում էլեկտրական և ջերմային էներգիայի ու
 բնական գազի բաշխման լիցենզիա ստանալու համար ՀՀ էներգետիկայի
 հանձնաժողով ներկայացվող

«ԼԻՑԵՆԶԱՎՈՐՎՈՂ ԳՈՐԾՈՒՆԵՈՒԹՅԱՆ ԱՇԽԱՐՀԱԳՐԱԿԱՆ ՏԱՐԱԾՔԸ»

փաստաթղթի կազմը և բովանդակությունը

ԼԻՑԵՆԶԱՎՈՐՎՈՂ ԳՈՐԾՈՒՆԵՈՒԹՅԱՆ

(գործունեության անվանումը)

ԱՇԽԱՐՀԱԳՐԱԿԱՆ ՏԱՐԱԾՔԸ

1. Լիցենզավորվող գործունեության տարածքի (սպասարկման տարածքի) անվանումը և համառոտ նկարագրությունը:
2. Լիցենզավորվող գործունեության տարածքը (սպասարկման տարածքը) ՀՀ մարզային բաժանման կամ կոնկրետ մարզի քարտեզի (քարտեզի պատճենի) վրա (չափացույցը ցանկացած՝ 1:20000-ից մինչև 1:5000 տիրույթում):
3. Լիցենզավորվող գործունեության տարածքի (սպասարկման տարածքի) առանձնահատկությունները, այդ թվում տարածքի որոշ գոտիներում բաշխում իրա-կանացնող այլ տնտեսավարող սուբյեկտների առկայությունը և նրանց հետ պայմա-նական սահմանի ու սահմանազատման կետերի նկարագրությունը:

Հավելված N 2-2
ՀՀ էներգետիկայի հանձնաժողովի
1998թ. օգոստոսի 31-ի
N41 որոշման N2 հավելվածի

Հայաստանի Հանրապետության էներգետիկայի հանձնաժողով
ԷԼԵԿՏՐԱԿԱՆ ԷՆԵՐԳԻԱՅԻ ԲԱՇԽՄԱՆ ԼԻՑԵՆԶԻԱ

(լիցենզիայի կոդը)

(լիցենզիայի N)

ԼԻՑԵՆԶԻԱՆ տրվել է _____
(լիցենզավորված ընկերության լրիվ անվանումը)

Բաշխման «_____» կՎ էլեկտրական ցանցերը

N	Ցանցի տարրերը	Տեխնիկական բնութագիրը	Ծավալը		Հաշվեկշռային պատկանելությունը (վարձակալումը)
			Չափի միավոր	Քանակը	